



Rhodolphus ex nobili familia Erlacensi apud Bernenses natus & educatus fuit. Hic insigni corporis et animi fortitudine præditus, aliquandiu Cæsarum castra sequutus est, atque sua uirtute impetrauit, ut auratus eques cõstitueretur. Postea domum rediens, aliquandiu in aula comitis de Nidauu permansit, atq; res sibi commissas fortiter administrauit. Accidit autem eo tempore ut Rhodolphus comes de Nidauu, Ludouicus comes Sabaudia, comes Nuenburgensis, et Eberhardus comes in Valendis, cum multis baronibus & nobilibus contra rempublicam Bernensem, urbem sibi odiosam, conspirarent, atq; ciues iam armis oppugnare

statuerent. Id cum Rhodolphus eques & ciuis Bernensis intellexisset, comitem accessit, atq; ei indicauit, sese contra Bernenses pugnare non posse, præsertim cū omnia sua bona Bernæ collecta haberet. quod si uerò comes ea bona (si fortè amitterent) restituere uellet, sese apud eum permansturū, atq; strenui militis officio functurum.